

AS Historisk Forlag
Bjørnstadveien 57
3340 RØYKENSide: 1
Totalt antall sider: 1

Bergens Tidende

Seksjon: Del 2
Dato/nr: 17.09.2001
Redaktør: Einar Hålien
Telefon: 55 21 45 00
Kilde type: Avis 1 - hovedaviser
Utgiversted: Bergen
Fylke: Hordaland
Frekvens: 7 uke
Opplag: 91 950
Lesere: 252 000
Artikkelareal: 168 cm²
Side: 31

– Ingen sjølvkritikk frå NS

VIDAR YSTAD

vidarystad@bt.no
Oslo

Historieprofessor Odd-Bjørn Fure ved Universitetet i Bergen er begeistra etter å ha lese boka til nazisten Finn Thrana.

– Boka er ein fin dokumentasjon av Nasjonal Samling sine haldningar. Her er ingen sjølvinnstikk i forhold til at NS, med ein prosent av røystene bak seg, meinte å være det statsberande partiet. Jødeutryddingane er det inga verkeleg drøfting av, og det er ingen sjølvkritikk av partiet si haldning til arrestasjonen og deporteringa av jødane. Boka opnar for innsyn i korleis partiet og parti-leinga tenkte og handlet. Difor er det alldeles horribelt at historieprofessor Hans Fredrik Dahl har kunne marknadsføre og presentere boka som ei «skjønnsom avveining av krigssituasjonens mange sider», seier Fure.

For drygt ei veke sidan avslørte Bergens Tidende at Dahl saman med venen Tom Brauner Jensen, hadde kjøpt det gamle nazistforlaget Historisk Forlag, som gir ut boka til Thrana. Begge hevdet at det var tilfeldig at den kom ut på forlaget. Men Dahl opplyste til BT etter avsløringane at han skulle selje seg ut av forlaget.

Overfor Bergens Tidende avsvarga dei to sidan einkvar link til nazistorganisasjonen Stiftelsen Norsk Okkupasjonshistorie, som tidlegare atte forlaget. Sidan har Bergens Tidende avslørt at Jensen sit som nestleiar i styret i stiftinga og at Thrana også sit i styret. Jensen har vore styremedlem sidan 1995. Det inneber at han også har vore involvert i utgjevinga av nazistavisa «Folk og Land».

Historieprofessor Odd-Bjørn Fure vurderer Thrana si bok som

ein solid dokumentasjon på at dei gamle nazistane ikkje har endret oppfatning og heller ikkje er viljuge til å ta inn over seg meir enn 55 års etterfylgjande historie og kunnskapsformidling. Fure peikar samstundes på at Thrana framhevar at dei gamle nazistane fekk ei hard behandling i rettsoppgjeret etter krigen.

– Likevel konstaterer Thrane at mange vart raskt innlemma i det norske samfunnet. Det gjeld også Thrana sjølv, som etter soning av landssvikdommen vart sekretær for Riksskattestyret.

Dette seier mykje om kvalitetar i det norske samfunnet. Då var det verre med barn av NS-folk. Mange av dei vart mobbet kraftig og fekk kanskje ein hardare lagnad enn far eller mor, legg Fure til.

5547

17
TU